

DEN AMBIENTE

**** A** penas cu Aruba a celebra su fiesta di carnaval, pueblo farandulero a ser sacudi cu fayecimiento inesperadamente di nos gran amigo musico

GRABRIEL FLORES.

E noticiá aki sigur a shock henter pueblo di Aruba muy especialmente nos musiconan,

kendenan a perde un gran colega musico. Pa DEN AMBIENTE tambe e noticia aki tabata uno duroy hasta no por a kere e noticia tan lamentable aki.

Un di e prome persona cu a participa DEN AMBIENTE e noticia aki, tabata Robert Jeand'or, kende tambe a keda sumamente tristo cu e noticia. Robert a declara cu un dia

prome durante preparacion na Tele Aruba pa e filmacion di Tumba, Gabriel Flores a bin salude y despues a desaparece. Robert hamas por a kere cu e saludo ey tabata e saludo di despedida.


Despues DEN AMBIENTE a topa cu Vicente Kelly, kende tambe a keda hopi conmovi cu e fayecimiento di su gran amigo Gabriel Flores. Danki

na Vicente Kelly kemde a facilita nos algun fotonan di recuerdo cu e tin den su file. E fotonan aki ta recuerdonan di tempo cu Gabriel Flores tabata forma parti di La Nueva Fuerza, porcierto e temporada mas exitoso di La

cu su amigo Chucho Hoek kende a studia hunto cu Gaby na Berklee, Chucho a declara cu Gaby tabata sumamente popular entre e comunidad latino y caribeño, debu cu su orquesta tabata causa furor na Boston. Na aña 1989 Gaby




**** Aki por mira GABRIEL FLORES hunto cu La Nueva Fuerza..**



**** Gabriel Flores hunto cu Vicente Kelly y Juancho Ignacio tempo cu e tabata forma parti di La Nueva Fuerza..**

SHOW DI POETS LO SER DEDICA NA GABRIEL FLORES.

AWE MERDIA CUMINSANDO PA 12'OR, E PROGRAMA DI SHOW DI POETS NA RADIO GALACTICA FM 99.9 LO SER DEDICA NA GABRIEL FLORES. LO TA PRESENTE MAYBELINE ARENDS-CROES, HILDWARD CROES, EDWIN ABATH, CHUCHO HOEK, ROBERT JEAND'OR, VICENTE KELLY, CLAUDIUS PHILIPS Y VARIOS ARTISTANAN LOCAL PA ASINA RINDI UN TRIBUTU POSTUMO NA E GRAN MUSICO GABRIEL FLORES. TAMBE LO TIN E OPORTUNIDAD PA TUR E AMIGONAN DI GABRIEL FLORES SI NAN TA DESEA PA EXPRESA NAN PALABRANAN COMO TRIBUTU NA GABICHI, ESAKI LO TA POSIBEL NA TEL: 30999 OF 39099.



Nueva Fuerza. Vicente Kelly a declara cu ademas cu Gabriel Flores tabata dispone di un excelente voz, tambe e tabata un musico ehemplar.

Prome cu Gabriel Flores a forma parti di La Nueva Fuerza, el a representa Aruba durante e festival di O.T.I. na aña 1985 Na su regreso el a forma parti di La Nueva Fuerza, den cual el a forma te cu dia el a bay studia na Berklee College of Music na Boston.

Tambe Gabriel Flores a forma parti di Musical Time y diferente bandanan musical. Su amor pa musica di gaita tabata uno masha grandi. Gabriel Flores tabata un palanca pa e musica di gaita, na unda tur aña e tabata participa hunto cu su gruponan cual Estrellas del Barrio tabata esun mas popular.

Tambe Gabriel Flores durante cu e tabata studia na Berklee College of Music na Boston, el a forma su propio orquesta "Bocu Band" hunto cu Henry Jimenez. Gabriel Flores hunto cu su orquesta a cosecha hopi exito riba tereno internacional bao di e sello disquera Sony Music International. Combersando

a bolbe Aruba na unda el forma parti di e circulo di musica Arubano. Na aña 1995 Gaby Flores a graba un cancion pa e sello disquera Sony Music International, cual cancion a resulta fin di aña riba e best seller album di Sony Music International.

Gabriel Flores a presenta den varios hotelnan manera e.o. den Hyatt Casino hunto cu e orquesta di Eduardo Maya y Alhambra Casino hunto cu su propio orquesta Caribbean Beat Band.

Awe durante e programa di DEN AMBIENTE na Radio Galactica, e programa lo ser dedica na Gabriel Flores, na unda lo ta presente Maybeline Arends-Croes, Hildward Croes, Robert Jeand'or, Vicente Kelly, Edwin Abath, Chucho Hoek, Claudius Philips y varios artistanan mas cu a yega di traha di serca cu Gaby, pa asina rindi un merecido tributo na nos gran musico prome cu e acto di entierro tuma lugar. Na nomber di tur nos musiconan, palabranan di condolencia ta bay na famianan di GABRIEL FLORES y cu nos amigo "GABICHI" SOSEGA NA PAZ...